

Na osnovu člana 5. i 29. Zakona o Vladi Tuzlanskog kantona («Službene novine Tuzlanskog kantona», broj:17/00, 1/05 i 11/06) i Odluke o utvrđivanju kriterija, uslova i postupka za dodjelu sredstava sa budžetske pozicije 11010021 “Fond za naučno istraživački rad” za 2007. godinu broj: 02/1-14-7206/07 od 11.10.2007. godine, Ministarstvo obrazovanja, nauke, kulture i sporta Tuzlanskog kantona, raspisuje:

JAVNI POZIV
za podnošenje zahtjeva o ostvarivanju prava na
sufinansiranje potreba u oblasti naučno - istraživačkog rada

I

Raspisuje se javni poziv za podnošenje zahtjeva za ostvarivanje prava na sufinansiranje troškova u oblasti nauke u 2007. godini u skladu sa Odlukom o utvrđivanju uslova, kriterija i postupaka raspodjele sredstava sa potrošačke jedinice 11010021 “Fond za naučno istraživački rad”.

II

Raspodjela sredstava za sufinansiranje potreba u oblasti nauke vršit će se u skladu sa budžetom Tuzlanskog kantona za 2007. godinu u ukupnom iznosu od 400.000,00 KM i to:

- ekonomski kod-614300-«grantovi neprofitnim organizacijama» u iznosu od 240.000,00 KM
- ekonomski kod-614400-«Subvencije javnim preduzećima» u iznosu od 80.000,00 KM
- ekonomski kod-614500-«Subvencije privatnim preduzećima» u iznosu od 80.000,00 KM

Prioriteti u raspodjeli sredstava u oblasti naučnoistraživačkih projekata su:

- Projekti od posebnog značaja za razvoj Tuzlanskog kantona,
- Potrebe i interesi Univerziteta i drugih naučno-istraživačkih ustanova,
- Razvoj naučno-istraživačke djelatnosti,
- Naučnoistraživački i istraživačko-razvojni projekti koji predstavljaju izvor novih naučnih ideja i doprinose razvoju nove naučne misli, te fundamentalna i primjenjiva istraživanja, kao i posebna istraživanja od interesa za Tuzlanski kanton,
- Projekti koji se već finansiraju iz drugih izvora.

Naučno – istraživačke projekte mogu prijaviti:

- Visokoškolske institucije (univerziteti, fakulteti, akademije, visoke škole),
- Naučni instituti,
- Druga pravna lica registrovana za obavljanje naučnoistraživačkog i istraživačko razvojnog rada,
- Javna i privatna preduzeća u saradnji sa naučnoistraživačkim institucijama ili naučnoistraživačkim radnicima.

Podnosioci prijave iz stava 3. ove tačke moraju raspolagati naučno – istraživačkim kadrom, infrastrukturom i opremom koja omogućava realizaciju projekta i postizanje utvrđenih ciljeva.

Sredstva se mogu koristiti za:

- Finansiranje rada istraživača,
- Nabavku opreme za istraživanje,
- Materijalne troškove projekta,
- Usluge neophodne za realizaciju projekta.

Dodijeljena sredstva moraju biti realizirana najkasnije u roku od dvanaest mjeseci od dana prijema istih.

Voditelj projekta mora biti naučni radnik sa naučnim stepenom doktora nauka iz oblasti u koju spada projekat.

Budžet predloženog projekta može iznositi do 20.000,00 KM za tehničke, prirodne nauke, biomedicinu i zdravstvo, a do 15.000,00 KM za društvene i humanističke nauke, od čega za rad istraživača u bruto iznosu maksimalno do 50 % dodijeljenih sredstava.

Naučnoistraživački tim čini voditelj projekta i najmanje dva mlađa istraživača koja ne moraju imati naučni stepen doktora nauka u trenutku podnošenja prijave.

Sredstva se dodjeluju bez obaveze vraćanja.

Rezultati projekta trebaju biti publicirani kao originalni naučni rad u referentnom časopisu ili prezentirani na naučnim skupovima ili predstavljati tehničko – tehnološka rješenja.

III

Za sufinansiranje i finansiranje naučnoistraživačkih i istraživačko – razvojnih projekata potrebno je priložiti:

1. Naziv, obrazloženje i kratak sadržaj projekta, biografski i bibliografski podaci o voditelju i učesnicima projekta,
2. Finansijski plan sa potpunom specifikacijom troškova za izradu naučno-istraživačkih i istraživačko – razvojnih projekata,
3. Dokaz za voditelja projekta da je naučni radnik sa naučnim stepenom doktora nauka,
4. Dokaz o osiguranim sredstvima ukoliko su obezbijeđena iz drugih izvora i da je projekat usvojen od odgovarajućih organa pravnog lica,
5. Identifikacijski broj i Rješenje o registraciji,
6. Spesimen potpisa sa brojem računa, odnosno naziv banke i filijala,
7. Navesti iznos sredstava koji se traži od Vlade Tuzlanskog kantona.

IV

Pored kriterija i uslova iz tačke II ove odluke, aplikanti su obavezni ispuniti prijavni obrazac za sufinansiranje i finansiranje naučnoistraživačkih i istraživačko – razvojnih projekata.

V

Prijavni obrazac aplikanti mogu preuzeti u prostorijama pisarnice Vlade Tuzlanskog kantona (prizemlje, soba br. 12) ili u prostorijama Ministarstva obrazovanja, nauke, kulture i sporta ili na WEB stranici monks@tk.kim.ba

VI

Javni poziv ostaje otvoren 15 dana od dana objavljivanja. Prijave na javni poziv sa potrebnom dokumentacijom slati putem pošte na adresu Ministarstvo obrazovanja, nauke, kulture i sporta Tuzlanskog kantona, Slatina 2, Tuzla ili putem pisarnice Vlade kantona na istoj adresi.

Dostavljena dokumentacija mora biti original ili ovjerena kopija.

NEPOTPUNE I NEBLAGOVREMENE PRIJAVE NEĆE SE RAZMATRATI.

**MINISTARSTVO OBRAZOVANJA,
NAUKE, KULTURE I SPORTA**